

Alkitab Buat Bocah Nampilin



Nuh dan
Banjir Gede



Nyeng nulis: Edward Hughes

Nyeng bikin gambar: Byron Unger; Lazarus
Alastair Paterson

Nyeng nyocokin: M. Maillot; Tammy S.

Nyeng terjemahin: www.christian-translation.com

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.




Nuh adalah seorang manusia
nyang nyembah Tuhan.

Sementara Orang laén kaga
matuhin Tuhan. Suatu hari,
Tuhan ngomong suatu hal
nyang ngagetin. "Ayé bakal

ngehancurin dunia

nyang
jahat ni," Tuhan
ngomong ke

Nuh. Cuma
keluargé enté
nyang bakalan
selamet."



Tuhan peringatin Nuh bahwa bakal dateng banjir gede ampé nutupin bumi. "Bikin bahtera kayu, bikin kapal nyang cukup gede buat keluarga enté amé hewan-hewan," Nuh diperintahin. Tuhan ngasih Nuh petunjuk pasti. Nuh langsung sibuk!



Orang mungkin
pada nyela pas Nuh
ngejelasin kenape dié
ngebangun sebuah
bahtera.

Nuh tetep
ngebangun. Dié
juga tetep ngasitau
orang tentang Tuhan.
Tapi kagak adé nyang
ngedengerin.



Nuh puny  ketaatan nyang kuat. Di  percaya am  Tuhan walau kaga pernah dateng hujan sebelumnya. Lalu bahtera udeh siap diisi am  persediaan.



Sekarang dateng hewan-hewan. Tuhan ngebawa
tujuh dari beberapé macem, dua diantaranyaé.

Burung-burung gede amé kecil, hewan buas
kate amé jangkung napak ke
dalem bahtera.



Mungkin ajé orang betereak ngatain
Nuh pas dié masukin ntu hewan-hewan.
Mereka kaga bisé berenti
bedosa ngelawan Tuhan.
Mereka kaga dimintain
buat masuk ke
bahtera.






Akhirnyé,
semua hewan
amé burung
udeh pada siap
didalem. "Masuk
kedalam bahtera,"
Tuhan ngundang
Nuh. "Enté amé keluarga
enté." Nuh, bininyé, ketigé
anaknyé amé bini-bininyé memasuki
bahtera. Terus Tuhan nutup pintunyé!



Terus ujan dateng.
Sebuah ujan gede
ngucur ngebasahin bumi
selamé empat puluh hari
empat puluh malem.





Aer banjir
ngucur ke semu'é
kota amé kampung.
Pas ujan reda, ampe gunung-gunung
beradé dibawah aer. Segalenyé
nyang bernafas mati.



Sembari aer naek,
bahteranyé ngapung
diatas. Mungkin gelap
didalem, mungkin
belonjak-lonjak, mungkin
juga nakutin. Tapi Nuh
terlindungi amé bahtera
dari bajir.



Pas udeh lima bulan banjir, Tuhan ngirim angin kering. Pelan-pelan, bahteranyé nyender di pegunungan Ararat. Nuh tetep didalem selama empat puluh hari berikutnya

sekalian aernyé nyurut.




Nuh ngirim seekor burung gagak amé burung dara keluar dari jendela bahtera nyang ngablak. Kaga nemuin tempat nyang bersih amé kering buat ngasoh, burung daranyé balik ke Nuh.



Seminggu berikutnyé,
Nuh nyoba lagi. Burung
dara balik amé daon
zaitun di congornyé.
Minggu berikutnyé Nuh tau
bumi kering karna burung
daranyé kaga
balik lagi.




Tuhan ngasitau Nuh udeh waktunyé ninggalin bahtera. Ambregan, Nuh amé keluarganyé ngeluarin hewan-hewan.



Betapa
bersyukurnyé
Nuh rasain! Dié
ngebangun mimbar
terus nyembah Tuhan
Nyang nyelametin dié
amé keluarganyé dari
banjir nyang nyeremin.





Tuhan ngasih
Nuh sebuah janji
nyang indah. Kaga
bakalan lagi Dié
ngasih banjir buat
ngehukum dosa manusia.

Tuhan ngasih
pengingat amé
janjiNyé. Pelangi
adalah tandé dari
janji Tuhan.



Nuh amé
keluarganyé
nemuin awal nyang baru
abis banjir. Pade waktunyé,
keturunannyé ngehuni balik
seluruh bumi. Saban
negara didunia
berasal

dari Nuh amé anaknyé.



Nuh dan Banjir Gede

Sebuah cerita dari perkataannya Tuhan, Alkitab

Ditemuin di

Kejadian 6-10

"Palang pintu Firman Engkau ngasih terang."
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

